



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Directorivm Inqvisitorvm F. Nicolai Eymerici Ordinis
Prædicatorum**

Nicolaus <Eymericus>

Venetiis, 1607

Idem.

urn:nbn:de:hbz:466:1-13589

Officio Sanctissimae Inquisitionis.

37

A data eodem mense. videlicet Kalen. Aprilis, & ij. iiij. & iiiij. Kalen. Aprilis. Ex omnibus hæc solum duo imprimere vñsum est. hic spectant etiam sequentia illa rescripta. Licet vniuersi mundi. & Ex insinuacione, ex quibus haec lumen accipiunt.

ALEXANDER Episcopus seruus seruorum Dei venerabilibus fratribus vniuersis Episcopis, ac dilectis filijs . . Abbatibus, Prioribus, Decanis, Archipresbyteris, Prepositis, Capitulis, & Conuentibus, ceterisq; personis Ecclesiasticis secularibus, & regularibus, per Romanam Provinciam constitutis, Salutem & Apostolicam benedictionem.

Edita anno Domini 1260.

Ex Archivio co
tientus S. Frâ
ncisci de Alifico.

DVM ad studium solitudinis, & diligentia, quod dilectus filius frater Andreas de ordine Minorum Inquisitor hereticæ prauitatis in administratione B. Francisci, in negotio fidei, cuius executionem in terris eiusdem administrationis sibi commisimus, adhibuisse dignoscitur, aciem mentis nostræ conuertimus; dum salutis fructum, quem eiusdem religio fidei ex suis laboribus reportauit, sollicita meditatione revoluimus, vitare non possumus, quin ipsum, ut pote virum in talibus iam experimen-to probatum, in similium commissione grauemus, firma credulitate tenentes, quod ea quæ sibi committimus, prospere, ac salubriter sua circumspectionis industria dirigantur; de sua igitur prouidentia, & maturitate obtinentes certitudinem pleniorum, huiusmodi fidei negocium sibi, & quibusdam alijs fratribus suis ordinis, in Romana Provincia, in qua vtrique vrbs, patrimonium Beati Petri in Tuscia, Sabinia, ciuitas, & dioces. Reatin, Roman, Marsia, Campania, & Maritima includi noscuntur, confidenter, & plenarie duximus committendum. Ideoque vniuersitati vestra per Apostolica scripta in virtute obediencia, districte præcipiendo mandamus, in remissionem vobis peccaminum nihilominus iniungentes, quatenus eidem fratri A. eiusque collegis, opportuni fauoris præsidio affilentes, omne quodcumque potestis, studeatis eis, per vos, consanguineos, subditos, & deuotos vestros, consilium & auxilium exhibere contra hereticos, credentes, complices, fautores, defensores, & receptatores, & terras eorum: & specialiter contra Capellum de Chia, vxorem, & filios, ac terram ipsius quoties ab eodem fratre Andra, eiusuè collegis, super hoc fueritis requisiti, ita quod ex hoc evidenter appareat, q; estis feruidi Catholicæ fidei zelatores, ac exinde à Deo præmium mereamini, dictæq; sedis fauorem, & gratiam vobis vberius acquiratis. Datum Anagniæ ij. Kal. Aprilis. Pontificatus nostri anno sexto.

I D E M.

Magistratus seculares sub pena excommunicationis, cum requisiti fuerint per Inquisidores, tenentur eis affilere opportuni fauoris præsidio, & exhibere eis consilium, & auxilium, exercitum contrahæreticos, & ceteros in fide suspectos congregando, ad depopulationem, & exterminium terrarum ipsorum hostiliter procedendo.

ALEXANDER Episcopus seruus seruorum Dei, dilectis filijs . . Potestati . . Capitaneo, Consilio & Commun. Tuscanen. fidelibus nostris, Salutem & Apostolicam benedictionem.

Edita anno Domini 1260.

Ex Archivio co
tientus S. Frâ
ncisci de Alifico.

DVM ad studium solitudinis, & diligentia, quod dilectus filius frater Andreas de ordine Minorum Inquisitor hereticæ prauitatis, in administratione Beati Francisci, in negotio fidei, cuius executionem in terris eiusdem administrationis sibi commisimus, adhibuisse dignoscitur, aciem mentis nostræ conuertimus: dum salutis fructum, quem eiusdem religio, fidei, ex suis laboribus reportauit, sollicita meditatione pensamus, vitare non possumus, quin ipsum vtpote viru in talibus iam experimen-to probatum, in similium commissione grauemus, firma credulitate tenetes, quod ea quæ sibi committimus, prospere, ac salubriter sua circumspectionis industria dirigantur. De sua igitur prouidentia, & maturitate obtinentes certitudinem pleniorum, huiusmodi fidei negocium sibi, & quibusdam alijs fratribus sui ordinis, in Romana Provincia, in qua vtrique vrbs, patrimonium B. Petri in Tuscia, Sabinia, ciuitas, & dioces. Reatin, Romania, Marsia, Campania, & Maritima includi noscuntur, confidenter & plenarie duximus committendum. Ideoque vniuersitati vestra per Apostolica scripta sub debito fidelitatis, quo Ecclesia Romana tenemini, & excommunicationis pena districte præcipiendo mandamus, in remissione vobis peccaminum nihilo minus iniungentes, quatenus eidem fratri A. eiusq; collegis opportuni fauoris præsidio affilentes, omne quodcumque potestis, studeatis eis consilium, & auxilium exhibere. exercitum contra hereticos, credentes, complices, fautores, defensores, & receptatores eorum, & specialiter contra Capellum de Chia, vxorem, & filios, ac terras ipsorum, quoties à dilecto filio Magistro Rayniero de Viterbio Capellano nostro, rectore patrimonij Beati Petri in Tuscia, cui super hoc efficaciter scribimus, vel ab eodem fratre Andra, eiusuè collegis requisiti super hoc fueritis, congregando, & ad depopulationem, & exterminium terrarum huiusmodi, hostiliter procedendo, ita quod ex hoc evidenter appareat, quod estis feruidi Catholicæ fidei zelatores, ac exinde à Deo præmium mereamini, dictæque sedis fauorem, & gratiam vobis vberius acquiratis. Datum Anagniæ, ij. Calen. Aprilis, Pontificatus nostri anno sexto.

Bv. de Cur.

C 3 IDEM

Facit Concilii
Bitterense c. 32.